



АКАФИСТ
пред Славногорским образом
Пресвятой Богородицы
с краткой историей явления Ея
на «Боговой горе» в 1800 году



Благовещенск, 2021

Акафист пред Славногорским образом Пресвятой Богородицы с краткой историей явления Ея на «Боговой горе» в 1800 году. Благовещенск: Изд-во «Царское Слово», 2021. – 24 с.

*Издается по благословению
митрополита Балтского и Ананьевского
АЛЕКСИЯ*

Славногорский образ Пресвятой Богородицы написан инокиней Макарией (Нелинь) в 2021 году по благословению архиепископа Благовещенского и Тындинского Лукиана (Куценко) и передан в дар и благословение Славногорскому скиту женского Богородичного монастыря «Всех скорбящих радость» села Белка Березовского района Одесской области.

Икона находится на «Боговой горе» села Севериновка в Славногорском скиту возле источника, чудесно указанного в сновидении Преподобной Девы для утоления жажды и укрепления телесного здоровья некоему камнерезу изнуренному тяжкими работами по добыче камня для строительства храма святого апостола Иоанна Богослова селения Севериновка-Потоцкое в 1800 году.

По благословению правящего архиерея Балтской епархии, митрополита Балтского и Ананьевского Алексия (Гроха), день празднования местночтимой «Славногорской» иконы Божией Матери совершается в пятницу Светлой седмицы в праздник иконы «Живоносный источник».

© Благовещенская епархия РПЦ, 2021

© ООО «Издательство «Царское Слово», 2021



Образ явления Пресвятой Богородицы камнерезу
с. Севериновка-Потоцкое в 1800 году

Тропарь, глас 4

Имúщи богáтство милосéрдия неизречéнное, мýлости сподóби нас Пречýстая Богорóдице, прославляющих явлéние Твоé на горé Северíновстей и к цельбоно́сному исто́чнику Твоемú притека́ющих. Многоразл́ичну благода́ть от Христá Бóга источáющи, молящихся от злых обстояний избáви и мýлости сподóби, Влады́чице. Славногóрская Похвалó и Мирозастúпнице.

Кондак, глас 6

Предстáтельство христиán непостýдное, ходáтайство ко Творцú непрелóжное, не прéзри грéшных молéний глáсы, но предвари́, я́ко Благáя, на пóмощь нас, вéрно зовúщих Ти, ускори́ на молítву и потщýся на умоле́ние, предстáтельствующе прýсно, Богорóдице, чтúщих Тя.

Величание

Велича́ем Тя, Пресвята́я Дéво, Богоизбра́нная Отрокови́це, и чтим óбраз Твой святы́й, íмже то́чиши исцелéния всем, с вéрою притека́ющим.

Акафист пред Славногорским образом Пресвятой Богородицы

Кондак 1

Взбранной Воеводе, Владычице нашей, Богородице, благоговейное пение приносим Ти, Пресвятая Дево, дивным явлением Своим на горе Севериновстей, цельбоносный источник воды явившая, изливающая великую и богатую милость Свою страждущему. От всяких и нас бед и злых обстояний избави, недуги наша исцеляющи и в скорбех утешающи, да благодарственно зовем Ти: Радуйся, Благая Владычице, цельбоносный источник на горе Севериновстей верным изливающая.

Икос 1

Архангел и Ангел множество, недоумевают, како восхвалити Тя по достоянию, тайне воплощения Бога Слова послужившей, мы же, Честнейшая Херувим и Славнейшая без сравнения Серафим, во умилении о Твоих благодеяниях, на нас бывших, дерзаем звати Тебе:

Ра́дуйся, Влады́чице, Бо́гом Отце́м избра́нная;
Ра́дуйся, Ду́хом Святы́м осия́нная;
Ра́дуйся, о́гнь Божества́ неопально вме-
сти́вшая;
Ра́дуйся, ле́стнице, зе́млю и не́бо соеди-
ни́вшая;
Ра́дуйся, в жена́х благослове́нная;
Ра́дуйся, рождество́м Сы́на Бо́жия превозне-
се́нная;
Ра́дуйся, Блага́я Влады́чице, цельбоно́сный
исто́чник на горе́ Севери́новстей ве́рным изли-
ва́ющая.

Кондак 2

Видящи, Премилосе́рдная Ма́ти, камнере-
за от трудо́в мно́гих изможде́ннаго и жа-
ждою томима́го, исто́чник воды́ явлéнием Твои́м
во сне указа́ла еси́. Сей обрете́ и припа́дая к о́но-
му, возопи́ о Тебе́ Бо́гу: Аллилу́ия.

Икос 2

Разуме́вый Божество́нный Твой глас во сне,
на горе́ Севери́нова имени́я, Влады́чице,
исто́чник воды́ указу́ющий, позна́ его́ я́ко купе́ль
Силоа́мскую, не то́кмо жа́ждущаго напо́яющую,
но и в ве́ре укрепля́ющую. У него́ же ми́лости
Твоея́ и́щуще, взыва́ем Тебе́, си́це:

Ра́дуйся, чудеса́ми Твои́ми у исто́чника умы́ к
го́рнему возво́дящая;

Ра́дуйся, откровéния вёрным Твои́м в видéни-
ях и со́ниях явля́ющая;

Ра́дуйся, еди́ное в на́ших ско́рбех утешéние;

Ра́дуйся, от бед на́ших ско́рое избавлéние;

Ра́дуйся, живото́рныя воды́ исто́чнике не-
исто́щымый;

Ра́дуйся, ба́не, омыва́ющая грехо́вную
скве́рну;

Ра́дуйся, Благáя Влады́чице, цельбоно́сный
исто́чник на горе́ Севери́новстей вёрным изли-
ва́ющая.

Кондак 3

Сила Вы́шняго осеня́ет всех с véрою и
благоговéнием притека́ющих к мéсту яв-
ления Твоего́ на горе́ Севери́новстей, Пресвята́я
Влады́чице. Подвизáя и нас смире́нно о Тебе́
звáти Промыслителю́ Бо́гу: Аллилу́ия.

Икос 3

Иму́щи богатство́ милосéрдия неизрече́н-
ное, всем стра́ждущим, Влады́чице, про-
стира́еши ру́ку по́моци Твоея́, недúги вра́чующи
и стра́сти исцеля́ющи, обрета́ющим мило́сть в
цельбоно́сном исто́чнике Твоём. Сего́ ра́ди благо-
да́рственно вопи́ем Тебе́ си́це:

Ра́дуйся, всех скорбящих утешение;
Ра́дуйся, исполнение Зиждителя смотре́ния.

Ра́дуйся, спасения ве́рных Ходатаице;
Ра́дуйся, за род челове́ческий Моли́твеннице;
Ра́дуйся, грешных серде́ц озарение;
Ра́дуйся, богобоязненных челове́ков увеселение;

Ра́дуйся, Блага́я Влады́чице, цельбоно́сный исто́чник на горе́ Севери́новстей ве́рным излива́ющая.

Кондак 4

Бурею недоумения камнерез смущашеся, воды ища жажду утолити. И се, якоже древле, силою Божиею из камне вода источися, тако и ныне на горе безводней источник явися, тамо Моисей источник воды, здесь же Ты Сама, о Богомати, служительнице чудесе, тем же молимся: жаждущия души наша благочестия напои водами, да зовем о Тебе: Аллилуия.

Икос 4

Слышаша люди веся графа Северина Потockаго, о бывшем явлении Твоем на горе, Пречистая, и о явившей чудный источник воды, яже не токмо жаждущаго напоила еси, но и многих в вере истинной укрепилша. Подвизая из глубины сердца возопити Ти тако:

Ра́дуйся, исто́чник дивный нам яв́ити благо-
воли́вшая;
Ра́дуйся, весь на́шу чудесно освяти́вшая;
Ра́дуйся, славою чудес Твои́х, ве́рных ра́зум
озаря́ющая;
Ра́дуйся, всех немо́щных врачующая;
Ра́дуйся, бе́дствующим помо́жение;
Ра́дуйся, уныва́ющих утешение;
Ра́дуйся, Благо́я Влады́чице, цельбоно́сный
исто́чник на горе́ Севери́новстей ве́рным изли-
ва́ющая.

Кондак 5

Божественней силе, от Исто́чника Ж́изни
Ве́чной, вода́ на ме́сте явлéния твоего́
прича́стна бысть, Пресвята́я Де́ва, почерпа́ющей
ю исцелéние недуго́в душе́вных и телесных при-
ёмлют, благодарственно воспева́юще: Аллилу́ия.

Икос 5

Видевше лю́дие, зело́ страда́ющего му́жа,
трудом́ тяжким в каменоло́мне изнурён-
наго, водо́ю свята́го исто́чника Твоего́ утешенна-
го, Тебе́, я́ко исто́чнику непреста́нной ра́дости,
возопи́ша:

Ра́дуйся, изнемога́ющих Засту́пнице и укреп-
ле́ние;

Ра́дуйся, безнаде́жных благонаде́жное посе-
ще́ние;

Рáдуйся, в бéдах скóрое нам заступлéние;
Рáдуйся, печáлей нáших утешéние;
Рáдуйся, вёрных прибéжище и ограждéние;
Рáдуйся, Хранительнице всех и утверждéние;
Рáдуйся, Благáя Владычице, цельбоно́сный
истóчник на горé Севери́новстей вёрным изливáющая.

Кондак 6

Проповéдницы чúда явлéния Твоегó, Мáти Бóжия, бы́ша лю́дие вéси Потóцкия, я́ко дивно, скóрбнаго мýжа вéси той, явлéнием Твоём и водо́ю истóчника скорбь усладíла еси́, да вси непрестáнно воспева́ют мýлости Тво́я, милосéрдному Бóгу зову́ще: Аллилу́ия.

Икос 6

Возсия́ нам святы́й истóчник Твой, Премилосéрдная Мáти, многоразл́ичну благодáть Сы́на Твоегó и Бóга Нáшего, Христа́ Жизнода́вца источáющи. Сего́ рáди, принóсим Ти пéния сицевáя:

Рáдуйся, Невéсто Отцá Безначáльнаго;
Рáдуйся, неискусобра́чная Родите́льнице
Превéчнаго Слова́;
Рáдуйся, рáдосте и умире́ние мýру;
Рáдуйся, подáтельнице Божéственныя бла-
гости;